

KEPERLUAN PERIBADI – POLISI KEMALANGAN DIRI UNTUK ANAK ANDA

DUTI SETEM
DIBAYAR

BAHAWASANYA Pemegang Polisi / Orang Yang Diinsuranskan telah membuat cadangan bertulis dan pengisytiharan untuk tujuan mendapatkan perlindungan insurans di mana cadangan dan pengisytiharan bertulis tersebut akan menjadi asas kontrak ini dan dianggap sebagai sebahagian daripadanya telah memohon kepada Liberty General Insurance Berhad untuk insurans yang terkandung di dalam Polisi ini dan telah membayar premium yang dinyatakan di dalam Jadual sebagai pertimbangan insurans tersebut untuk tempoh yang dinyatakan di dalam jadual.

Setelah menerima dan mengesahkan penerimaan premium pertama daripada Pemegang Polisi ini, dan sebarang premium berikutan dengannya, Liberty General Insurance Berhad bersetuju untuk memberikan insurans kepada Orang Yang Diinsuranskan terhadap Kecederaan Anggota disebabkan oleh Kemalangan yang dilindungi oleh Polisi ini tertakluk kepada dan selaras dengan segala pengecualian, batasan, peruntukan, terma-terma dan syarat-syarat yang dinyatakan di sini.

PERLINDUNGAN – HAD KAWASAN SELURUH DUNIA

Manfaat 1	Kematian Akibat Kemalangan (berlaku dalam tempoh dua belas (12) bulan kalendar dari Kemalangan)	:	Skala pampasan seperti yang dinyatakan dalam Jadual Manfaat bagi Kematian Akibat Kemalangan.
	Perbelanjaan Pengebumian	:	Skala pampasan seperti yang dinyatakan dalam Jadual Manfaat untuk Perbelanjaan Pengebumian.
Manfaat 2	Hilang Upaya Kekal dan Putus Anggota Badan (berlaku dalam tempoh dua belas (12) bulan kalendar dari Kemalangan)	:	Skala pampasan seperti yang dinyatakan dalam Jadual Manfaat untuk Hilang Upaya Kekal dan Putus Anggota Badan.
Manfaat 3	Manfaat Hospital (a) Elaun Tunai Hospital Harian	:	Elaun tunai harian mengikut jumlah yang ditetapkan dalam Jadual Manfaat, sehingga maksimum 365 hari, hendaklah dibayar jika Orang Yang Diinsuranskan dimasukkan ke Hospital yang melebihi 24 jam akibat Kemalangan.
	(b) Elaun Tunai Hospital Unit Rawatan Rapi (ICU) Harian	:	Elaun tunai harian mengikut jumlah yang ditetapkan dalam Jadual Manfaat, sehingga maksimum 365 hari, hendaklah dibayar jika Orang Yang Diinsuranskan dimasukkan ke hospital di Unit Rawatan Rapi yang melebihi 24 jam akibat Kemalangan.
Manfaat 4	Ganjaran Tunai Akademik	:	Jumlah sekaligus seperti yang ditetapkan dalam Jadual Manfaat dibayar kepada Pemegang Polisi jika Orang Yang Diinsuranskan yang mencapai kecemerlangan akademik sebagaimana yang ditakrifkan dalam Keterangan Manfaat Polisi.

DEFINISI AM

KEMALANGAN

Suatu peristiwa yang terjadi secara tiba-tiba, tidak disengajakan, tidak diduga, luar biasa dan bersifat khusus yang waktu dan tempat kejadian tidak dapat ditentukan dan tanpa sebab lain dengan sendirinya mengakibatkan Kecederaan Anggota.

UMUR

Umur pada ulangtahun kelahiran yang akan datang.

KECEDERAAN ANGGOTA

Kecederaan Anggota yang semata-mata dan secara langsung berpunca daripada keganasan, Kemalangan, cara luaran dan nyata dan tidak termasuk keuzuran, penyakit atau sebarang keadaan yang berlaku secara semula jadi atau penyakit degeneratif.

Liberty General Insurance Berhad 197801007153 (44191-P)

Liberty Insurance Tower, CT9, Pavilion Damansara Heights, 3 Jalan Damanlela, Pusat Bandar Damansara, 50490 Kuala Lumpur.
Peti Surat 11228, GPO Kuala Lumpur, 50740 Kuala Lumpur

Tel: +603 2268 3333 **Hotline:** 1 800 88 6333 **Laman Web:** www.amassurance.com.my

(No. Daftar Cukai Perkhidmatan: B16-1808-31015443)

PERKELAHIAN

Pertengkaran atau pergaduhan yang riuh rendah dan sering ganas sama ada dirangsangkan atau tidak.

KEKECOHAN / DEMONSTRASI AWAM

Sokongan manifestasi atau rasa tidak puas hati atau bantahan melalui perhimpunan dan perarakan awam.

PUTUS ANGGOTA BADAN

Kehilangan kekal secara fizikal iaitu putus tangan pada atau di atas pergelangan tangan atau kaki pada atau di atas buku lali, dan termasuk kehilangan kekal dan tidak boleh pulih lagi penggunaan tangan, lengan atau kaki.

DOKTOR ATAU PAKAR BEDAH

Pengamal perubatan berdaftar yang berkecualan dan berlesen untuk menjalankan amalan perubatan cara Barat dan seseorang yang dalam memberi rawatan sedemikian, menjalankan amalan mematuhi skop lesen dan latihannya bersesuaian didalam kawasan bidang yang diamalkan tetapi tidak termasuk Doktor atau Pakar Bedah yang merupakan ahli keluarga terdekat Orang Yang Diinsuranskan.

TARIKH KUATKUASA

Tarikh yang dinyatakan dalam Jadual bagi permulaan insurans bawah Polisi ini.

PENGENDORSAN

Bukti bertulis terhadap perubahan dalam Polisi yang telah dipersetujui.

DIMASUKKAN KE HOSPITAL /MASUK HOSPITAL

Disebabkan sesuatu kemalangan Orang Yang Diinsuranskan perlu menjalani sebarang pembedahan atau rawatan yang memerlukan dia tinggal lebih daripada 24 jam di sesebuah tempat kemudahan perubatan atau hospital.

KELUARGA TERDEKAT

Ibu bapa dan adik-beradik Orang Yang Diinsuranskan

ORANG YANG DIINSURANSKAN

Orang yang dinamakan sebagai Orang Yang Diinsuranskan dalam Jadual, yang menetap di Malaysia.

PENANGGUNG INSURANS / SYARIKAT / KAMI / KITA

Liberty General Insurance Berhad 197801007153 (44191-P).

TETAP

Setelah berlangsung selama lebih daripada 12 bulan berturut-turut dan apabila tamat tempoh itu, berkeadaan tidak mungkin akan pulih.

TEMPOH INSURANS

Bermaksud tempoh perlindungan yang dinyatakan dalam Jadual Polisi.

PEMEGANG POLISI / MILIK ANDA/ DIRI ANDA

Ibu bapa / ibu bapa angkat yang sah / penjaga yang sah bagi Orang Yang Diinsuranskan yang membayar premium polisi untuk Orang Yang Diinsuranskan.

RUSUHAN

Gangguan keamanan oleh beberapa orang, berkumpul dan bertindak dengan niat yang sama dalam melaksanakan satu tindakan yang sah di sisi undang-undang atau yang menyalahi undang-undang secara ganas dan menimbulkan huru-hara.

JADUAL

Jadual yang dilampirkan dan menjadi sebahagian daripada Polisi ini.

MOGOK

Keengganan bersepadu para pekerja untuk melaksanakan kerja yang telah diberikan pihak majikan kepada mereka untuk memaksa majikan memberikan konsesi tertentu yang dituntut, seperti peningkatan upah atau keadaan pekerjaan yang lebih baik.

JUMLAH DIINSURANSKAN

Had liabiliti Kami di bawah insurans ini.

KETERANGAN MANFAAT

GANJARAN TUNAI AKADEMIK

Kami akan memberikan ganjaran jumlah sekali gus yang ditetapkan dalam Jadual Manfaat kepada Orang Yang Diinsuranskan yang mendapat semua "A" dalam bilangan minimum mata pelajaran minimum yang diperlukan untuk mendapatkan sijil penuh.

- | | | |
|----|---|---------|
| a) | Minimum 5A dalam UPSR atau yang setaraf dengannya | - RM 50 |
| b) | Minimum 8A dalam PMR atau yang setaraf dengannya | - RM100 |
| c) | Minimum 5A dalam SPM atau yang setaraf dengannya | - RM150 |

KEMATIAN AKIBAT KEMALANGAN

Kematian yang timbul dari Kecederaan Anggota.

PERBELANJAAN PENGKEBUMIHAN

Jumlah bayaran sekaligus seperti yang ditetapkan dalam Jadual Manfaat bagi kehilangan nyawa Orang Yang Diinsuranskan akibat Kemalangan.

HILANG UPAYA KEKAL DAN PUTUS ANGGOTA BADAN

Hilang upaya dan putus anggota badan seperti yang ditetapkan dalam Jadual Manfaat.

MANFAAT HOSPITAL

- a) Elaun Tunai Hospital Harian
Elaun tunai harian yang berjumlah seperti ditetapkan dalam Jadual Manfaat, sehingga maksimum 365 hari, hendaklah dibayar jika Orang Yang Diinsuranskan dimasukkan ke hospital selama lebih daripada 24 jam akibat Kemalangan. Kami akan membayar Elaun Harian Tunai Hospital dari tarikh Orang Yang Diinsuranskan mula dimasukkan sehingga tarikh dia dibenarkan keluar daripada hospital. Orang Yang Diinsuranskan itu tidak akan layak mendapat Elaun Tunai Hospital Harian apabila Orang Yang Diinsuranskan dimasukkan ke dalam Unit Rawatan Rapi (ICU).
- b) Elaun Tunai ICU Hospital Harian
Elaun tunai harian berjumlah seperti yang ditetapkan dalam Jadual Manfaat, sehingga maksimum 365 hari, hendaklah dibayar jika Orang Yang Diinsuranskan dimasukkan ke hospital dalam Unit Rawatan Rapi (ICU) lebih daripada 24 jam akibat Kemalangan. Kami akan membayar Elaun Tunai ICU Hospital Harian dari tarikh Orang Yang Diinsuranskan mula dimasukkan sehingga tarikh dia dibenarkan keluar daripada wad di Unit Rawatan Rapi.

PERUNTUKAN KHAS

1. KOMA

Apabila disahkan oleh pakar perubatan bahawa Orang Yang Diinsuranskan telah koma sekurang-kurangnya selama setahun akibat sesuatu Kemalangan, Kami akan membayar 100% daripada Jumlah Modal Diinsuranskan. Walau bagaimanapun, Kami berhak mendapatkan kembali bayaran yang telah dibuat sekiranya Orang Yang Diinsuranskan telah sedar semula dengan syarat potongan 10% daripada bayaran yang tersebut dibuat bagi setiap tahun ketika mana Orang Yang Diinsuranskan berada dalam keadaan koma.

2. KEHILANGAN

Sekiranya tempoh SETAHUN telah berlalu dari tarikh kehilangan dilaporkan dan Kami telah memeriksa dengan teliti semua bukti yang ada dan tidak mempunyai sebab untuk mengandaikan apa-apa selain daripada satu Kemalangan telah berlaku yang segalanya berkemungkinan menyebabkan kematian Orang Yang Diinsuranskan, maka kehilangan Orang Yang Diinsuranskan hendaklah dianggap boleh dituntut di bawah Polisi ini dan Jumlah Modal Diinsuranskan penuh hendaklah dibayar. Walau bagaimanapun, jika pada bila-bila masa selepas pembayaran dibuat Orang Yang Diinsuranskan didapati masih hidup, maka apa-apa jumlah yang telah Kami bayar dalam tuntutan ini hendaklah dikembalikan kepada Kami.

3. GIGITAN SERANGGA DAN PATUKAN ULAR

Polisi ini diperluaskan untuk melindungi Kematian atau Kecederaan Anggota akibat kemalangan yang disebabkan gigitan serangga dan patukan ular (tidak termasuk Kematian / Kecederaan Anggota yang disebabkan oleh penyakit kecuali disebabkan oleh malaria, demam denggi dan demam Chikungunya).

4. KERACUNAN MAKANAN

Polisi ini diperluaskan untuk melindungi kematian akibat daripada keracunan makanan yang tidak disengajakan atau disebabkan musibah lain seumpamanya dengan atau tanpa sebarang tanda kecederaan luaran atau keganasan yang boleh dilihat.

PENGECUALIAN AM

Polisi ini tidak melindungi Kematian atau sebarang kecederaan / hilang upaya yang secara langsung atau tidak langsung disebabkan oleh atau berkaitan dengan mana-mana daripada yang berikut:

- Peperangan, pencerobohan, tindakan musuh asing, pertempuran (sama ada peperangan diisytiharkan atau tidak), perang saudara, pemberontakan, revolusi, penentangan, dahagi atau rampasan kuasa, kebangkitan ketenteraan atau orang ramai, mogok, rusuhan, kekecohan atau demonstrasi awam.
- Bunuh diri atau sebarang percubaan ancaman, kecederaan diri sendiri yang disengajakan.
- Sebarang bentuk penyakit, jangkitan atau parasit termasuk "Japanese Encephalitis" dan Sindrom Kekurangan Daya Tahan Penyakit (AIDS) atau Komplikasi Berkaitan AIDS (ARC).
- Bersalin, keguguran, kehamilan atau apa-apa komplikasinya melainkan disebabkan semata-mata dan secara langsung oleh Kemalangan.

5. Pembunuhan atau serangan yang didorongkan amarah.
6. Ketika dalam perjalanan di dalam sebuah pesawat atau kapal sebagai ahli krew, melainkan hanya sebagai seorang penumpang berbayar di dalam sebuah pesawat atau kapal berlesen bagi perkhidmatan penumpang.
7. Ketika melakukan atau cuba melakukan sebarang tindakan yang menyalahi undang-undang.
8. Ketika menyertai sebarang sukan profesional.
9. Orang Yang Diinsuranskan terbabit atau menyertai aktiviti atau sukan yang berbahaya seperti sebarang sukan meluncur musim sejuk, pendakian gunung atau batu (yang melibatkan penggunaan tali atau panduan), penerokaan gua, menyelam, penerjunan payung terjun, aktiviti-aktiviti bawah air yang memerlukan penggunaan alat bantuan pernafasan dalam air, perlumbaan berhalangan, pemburuan besar-besaran atau memburu.
10. Perlumbaan (selain daripada dengan menggunakan kaki), ujian kederasan kelajuan atau kebolehpercayaan laluan jejak.
11. Menunggang / memandu tanpa lesen memandu yang sah.
12. Ketika melibatkan diri di dalam pergaduhan.
13.
 - a) Asbestos, atau
 - b) Sebarang kebenaran atau dakwaan terhadap kecederaan berkaitan asbestos atau kerosakan yang melibatkan penggunaan, kehadiran, kewujudan, pengesanan, perpindahan, penghapusan atau penghindaran asbestos atau lpendedahan atau potensi lpendedahan kepada asbestos.
14.
 - a) Radiasi pengionan atau pencemaran oleh radioaktiviti daripada sebarang bahan api nuclear atau sebarang sisa bahan nuklear atau daripada pembakaran bahan api nuclear.
 - b) Bahan radioaktif, toksik, letupan atau bahan-bahan berbahaya atau pencemar lain daripada sebarang pemasangan nuklear, reaktor atau himpunan nuklear yang lain atau komponen nuklear daripadanya.
 - c) Sebarang senjata peperangan yang menggunakan pembelahan atom atau nuklear dan/atau cantuman atau tindakbalas lain atau kuasa radioaktif atau jirim seumpamanya.
15. Sebarang tindakan keganasan. Untuk tujuan ini tindakan keganasan bermaksud sesuatu tindakan, termasuk tetapi tidak terhad kepada penggunaan kekerasan atau kekejaman dan/atau ancaman daripada itu, oleh mana-mana orang atau kumpulan orang, sama ada bertindak sendiri atau bagi pihak atau berkaitan dengan mana-mana organisasi atau kerajaan, melakukannya untuk tujuan politik, keagamaan, ideologi, atau tujuan yang serupa termasuklah dengan tujuan untuk mempengaruhi mana-mana kerajaan dan/atau menyebabkan orang awam, atau mana-mana golongan orang awam berada dalam ketakutan.
16. Sebarang kecacatan/kelemahan fizikal sedia ada/apa-apa keuzuran, penyakit atau apa-apa penyakit sekalipun.
17. Mana-mana Orang Yang Diinsuranskan yang terlibat sebagai pekerja dengan mana-mana organisasi sama ada bekerja secara tetap atau sementara.
18. Klausula Pengecualian Kerugian Siber Terhad
 - a) Tanpa mengambil kira sebarang peruntukan yang bertentangan dalam Polisi ini, Polisi ini mengecualikan sebarang Kerugian Siber.
 - b) Kerugian Siber bermaksud sebarang kerugian, kerosakan, tanggungan, perbelanjaan, denda atau penalti atau apa-apa jumlah lain yang disebabkan secara langsung oleh:
 - i. penggunaan atau pengendalian mana-mana Sistem Komputer atau Rangkaian Komputer;
 - ii. pengurangan atau kehilangan keupayaan untuk menggunakan atau mengendalikan mana-mana Sistem Komputer, Rangkaian Komputer atau Data;
 - iii. akses kepada, pemprosesan, penghantaran, penyimpanan atau penggunaan mana-mana Data;
 - iv. ketidakmampuan untuk mengakses, memproses, menghantar, menyimpan atau menggunakan sebarang Data;
 - v. sebarang ancaman atau sebarang penipuan berkaitan i. hingga iv. di atas;
 - vi. sebarang ralat atau pengabaian atau kemalangan berkenaan dengan mana-mana Sistem Komputer, Rangkaian Komputer atau Data.
 - c) Sistem Komputer bermaksud mana-mana komputer, perkakasan, perisian, aplikasi, proses, kod, program, teknologi maklumat, sistem komunikasi atau peranti elektronik yang dimiliki atau dikendalikan oleh Pihak Diinsuranskan atau mana-mana pihak lain. Ini termasuk mana-mana sistem yang serupa dan sebarang kemasukan, pengeluaran atau peranti storan data atau sistem, peralatan rangkaian atau kemudahan sandaran yang berkaitan.
 - d) Rangkaian Komputer bermaksud sekumpulan Sistem Komputer dan peranti elektronik lain atau kemudahan rangkaian yang disambungkan melalui satu bentuk teknologi komunikasi, termasuk internet, intranet dan rangkaian persendirian maya (VPN), membenarkan peranti pengkomputeran rangkaian untuk bertukar Data.
 - e) Data bermaksud maklumat yang digunakan, diakses, diproses, dihantar atau disimpan oleh Sistem Komputer.
19. Klausula Pengecualian Pandemik:
 - a) Polisi ini akan mengecualikan semua kerugian yang timbul daripada, disumbangkan oleh, atau berpunca daripada sebarang pandemik. Dengan ini, punca penyumbang kepada pandemik adalah mencukupi.
 - b) Pandemik menurut perenggan a) merujuk kepada semua penyakit atau patogen yang diisytiharkan sedemikian oleh Pertubuhan Kesihatan Sedunia (WHO). Pengecualian ini terpakai dari tarikh Pertubuhan Kesihatan Sedunia (WHO) mengisytiharkan wabak itu.
 - c) Jika Syarikat mendakwa bahawa disebabkan oleh pengecualian ini, sebarang kerugian tidak dilindungi oleh Polisi ini, beban untuk membuktikan sebaliknya adalah tanggungjawab Pihak Diinsuranskan.

Tertakluk juga kepada terma dan syarat Polisi ini.

JADUAL MANFAAT

		% daripada Jumlah Modal Diinsuranskan
Manfaat 1	KEMATIAN AKIBAT KEMALANGAN (berlaku dalam tempoh dua belas bulan kalendar dari Kemalangan)	100%
Manfaat 2	HILANG UPAYA KEKAL dan PUTUS ANGGOTA BADAN (berlaku dalam tempoh masa dua belas bulan kalendar dari Kemalangan)	
	Kehilangan dua anggota badan	100%
	Kehilangan kedua-dua tangan atau semua jari dan kedua-dua ibu jari	100%
	Kehilangan penglihatan sebelah atau kedua-dua belah mata	100%
	Lumpuh sepenuhnya	100%
	Tidak siaman sepenuhnya	100%
	Kecederaan menyebabkan kekal terlantar di katil	100%
	Kehilangan lengan dari bahu	100%
	Kehilangan lengan di antara bahu dan siku	100%
	Kehilangan lengan dari siku	100%
	Kehilangan lengan di antara siku dan pergelangan tangan	100%
	Kehilangan tangan di pergelangan tangan	100%
	Kehilangan Kaki	
	- pada pinggul	100%
	- di antara lutut dan pinggul	100%
	- di bawah lutut	100%
	Kehilangan mata	
	- keseluruhan mata	100%
	- seluruh penglihatan pada sebelah mata, kecuali daya penglihatan cahaya	50%
	- kanta sebelah mata	50%
	Kehilangan ibu jari	
	- kedua-dua ruas	30%
	- satu ruas	15%
	Kehilangan jari telunjuk	
	- tiga ruas	15%
	- dua ruas	10%
	- satu ruas	5%
	Kehilangan jari tengah	
	- tiga ruas	8%
	- dua ruas	5%
	- satu ruas	3%
	Kehilangan jari manis	
	- tiga ruas	6%
	- dua ruas	5%
	- satu ruas	3%
	Kehilangan jari kelingking	
	- tiga ruas	5%
	- dua ruas	4%
	- satu ruas	3%
	Kehilangan tulang metakarpus	
	- pertama atau kedua (tambahan)	4%
	- ketiga, keempat atau kelima (tambahan)	3%
	Kehilangan jari kaki	
	- semua	20%
	- ibu jari kaki, kedua-dua ruas	8%
	- ibu jari kaki, satu ruas	3%
	- Selain daripada ibu jari kaki, sekiranya kehilangan lebih daripada satu jari kaki pada setiap kaki	2%
	Kehilangan pertuturan & pendengaran yang kekal	100%
	Kehilangan pendengaran	
	- kedua-dua telinga	75%
	- sebelah telinga	25%
	Kehilangan pertuturan	50%
	Keretakan tulang kaki atau patella yang kekal tidak bercantum selepas 26 minggu dari tarikh Kemalangan	10%
	Pemendekkan lengan	
	- lebih daripada 1 inci sehingga 2 inci	2.5%
	- lebih daripada 2 inci sehingga 4 inci	5%
	- lebih daripada 4 inci	12.5%
	Pemendekkan Kaki	
	- lebih daripada 1 inci sehingga 2 inci	5%
	- lebih daripada 2 inci sehingga 4 inci	10%
	- lebih daripada 4 inci	25%

Manfaat	Jumlah Modal Diinsuranskan			
	Pelan 1	Pelan 2	Pelan 3	Pelan 4
Kematian Akibat Kemalangan	RM 50,000	RM 70,000	RM 100,000	RM 120,000
Hilang Upaya Kekal dan Putus Anggota Badan	RM 50,000	RM 70,000	RM 100,000	RM 120,000
Tunai Hospital Harian akibat Kemalangan (maksimum 365 hari)	RM 100	RM 150	RM 200	RM 250
Tunai ICU Hospital Harian akibat Kemalangan (maksimum 365 hari)	RM 200	RM 300	RM 400	RM 500
Perbelanjaan Pengkebumian (akibat kemalangan maut sahaja)	RM 2,000	RM 2,000	RM 2,000	RM 2,000
Ganjaran Tunai Akademik	Minimum 5A dalam UPSR atau yang setaraf dengannya – RM 50			
	Minimum 8A dalam PMR atau yang setaraf dengannya – RM100			
	Minimum 5A dalam SPM atau yang setaraf dengannya – RM150			

Nota:

Jumlah Diinsuranskan sebenar untuk Orang Yang Diinsuranskan adalah seperti dinyatakan dalam Jadual Polisi.

Tahap tidak siaman dan pemendekkan anggota badan mestilah disahkan oleh Doktor atau Pakar Bedah.

Sekiranya kecederaan tidak dapat dipastikan, Kami mempunyai hak untuk menetapkan Peratusan ketidakupayaan itu yang pada pendapat kami bukan tidak konsisten dengan peruntukan Jadual Manfaat di atas.

Kehilangan kegunaan anggota badan secara kekal dan menyeluruh hendaklah dianggap sebagai kehilangan anggota badan. Kehilangan daya pertuturan hendaklah bermaksud ketidakupayaan kekal dan menyeluruh untuk bertutur secara lisan.

Manfaat yang dibayar dalam perkara Kematian atau Hilang Upaya Kekal dan Putus Anggota Badan akibat Kemalangan adalah Jumlah Diinsuranskan seperti yang dinyatakan dalam Jadual Polisi. Kesemua manfaat yang boleh dibayar jika berlakunya Kematian atau Hilang Upaya Kekal dan Putus Anggota Badan berhubung dengan sesuatu kemalangan hendaklah tidak melebihi 100% Jumlah Modal Diinsuranskan seperti yang dinyatakan dalam Jadual Manfaat. Jika 100% Jumlah Modal Diinsuranskan dibayar semasa tempoh Polisi ini, maka kesemua insurans yang wujud di bawah Polisi ini akan tamat serta-merta. Kesemua kerugian lain yang kurang daripada 100% Jumlah Modal Diinsuranskan sekiranya dibayar hendaklah mengurangkan perlindungan dengan jumlah itu dari tarikh Kemalangan sehingga luput tamat Polisi ini

SYARAT-SYARAT AM

1. HAD UMUR

Semua Orang Yang Diinsuranskan hendaklah berusia tidakkurang daripada tiga puluh (30) hari atau lebih daripada lapan belas (18) tahun.

2. PINDAAN

Kami mempunyai hak untuk meminda terma-terma dan syarat-syarat Polisi ini dan pindaan sedemikian terhadap Polisi ini adalah sah jika diberikuasa oleh Kami dan diendoskan pada dokumen ini. Kami hendaklah memberi notis bertulis kepada Anda mengikut alamat terakhir yang direkod untuk apa-apa pindaan yang dibuat.

3. UNDANG-UNDANG TERPAKAI

Polisi ini dan semua hak, obligasi dan liabiliti yang timbul dibawah dokumen ini, hendaklah ditafsirkan dan ditentukan dan boleh dikuatkuasakan menurut undang-undang Malaysia dan Mahkamah Malaysia hendaklah mempunyai bidang kuasa eksklusif terhadap dokumen ini.

4. TIMBANGTARA

Semua pertikaian yang berbangkit daripada Polisi ini hendaklah dirujuk kepada seorang Penimbangtara yang hendaklah dilantik secara bertulis oleh pihak-pihak yang bertikai. Jika mereka tidak mendapat kata sepakat tentang siapa yang akan menjadi Penimbangtara dalam masa satu (1) bulan setelah diperlukan secara bertulis untuk berbuat sedemikian maka kedua-dua pihak hendaklah berhak melantik seorang Penimbangtara masing-masing yang hendaklah meneruskan pendengaran tentang pertikaian itu bersama seorang Wasit yang akan Kami dilantik oleh kedua-dua Penimbangtara. Walau bagaimanapun, dengan syarat bahawa sebarang penolakan liabiliti oleh Kami untuk mana-mana tuntutan menurut dokumen ini mestilah dirujuk kepada seorang Penimbangtara dalam masa dua belas (12) bulan kalendar dari tarikh penolakan sedemikian.

5. PERUBAHAN KEADAAN ANDA

Anda hendaklah memberitahu Kami secepat mungkin secara bertulis sebarang perubahan keadaan Orang Yang Diinsuranskan yang boleh menjejaskan insurans ini.

6. TUNTUTAN

- (a) Notis Kecelakaan atas mana tuntutan dibuat dan dilindungi oleh Polisi ini, mestilah diberi secara bertulis kepada Kami dalam masa 14 hari selepas kejadian. Kami, sebaik menerima notis sedemikian akan memberikan borang tuntutan kepada Anda supaya bukti tuntutan difailkan.
- (b) Sekiranya berlaku kematian, notis yang munasabah hendaklah diberikan kepada Kami sebelum pengebumian atau pembakaran mayat dan Kami mungkin akan membuat permohonan untuk hadir pada bedah siasat atau pemeriksaan mayat Orang Yang Diinsuranskan. Kami mempunyai hak dan peluang untuk menjalankan autopsi dengan perbelanjaan ditanggung oleh Kami jika ianya tidak dilarang oleh undang-undang. Notis serta-merta tentang masa dan tempat mana-mana siasatan kematian yang telah ditentukan akan diberikan kepada Kami.

Kesemua sijil, maklumat dan bukti yang diperlukan oleh Kami hendaklah diberikan oleh Anda atau wakil peribadi sah Anda dan hendaklah dalam bentuk dan jenis yang ditentukan oleh Kami.

Tuntutan yang dibayar di bawah polisi mana-mana berkenaan akan dibayar kepada benefisiari atau penama seperti di dalam polisi atau wakil sah mereka di mana Pihak Diinsuranskan mempunyai kepentingan boleh insurans. Walaubagaimanapun, sekiranya tiada mempunyai kepentingan boleh insurans ke atas Orang Yang Diinsuranskan, semua bayaran tuntutan di bawah polisi ini akan dibayar kepada Orang Yang Diinsuranskan atau wakil sahnya.

7. SYARAT SEBELUM TANGGUNGAN DITERIMA

Mematuhi dan memenuhi terma-terma dan syarat-syarat Polisi ini dengan wajar setakat ianya berkaitan dengan perkara yang patut atau tidak patut dilakukan oleh Anda atau Wakil Peribadi Sah Orang Yang Diinsuranskan akan menjadi syarat terdahulu kepada sebarang liabiliti Syarikat untuk membuat apa-apa bayaran di bawah Polisi ini.

8. TEMPOH BERTENANG

Jika Polisi ini telah dikeluarkan dan atas apa jua sebab Orang Yang Diinsuranskan telah memutuskan tidak mahu mengambil Polisi, Anda boleh mengembalikan Polisi kepada Kami untuk pembatalan dengan syarat permintaan untuk pembatalan diserahkan oleh Anda kepada Kami dalam tempoh lima belas (15) hari dari tarikh penyerahan Polisi. Anda berhak mendapat kembali premium telah dibayar sepenuhnya.

9. MATAWANG DAN KADAR PERTUKARAN

Semua premium hendaklah dibayar di dalam Ringgit Malaysia. Sekiranya Orang Yang Diinsuranskan dimasukkan ke hospital dan/atau menerima rawatan perubatan di luar Malaysia dan bil yang dikemukakan adalah dalam matawang lain daripada Ringgit Malaysia, Kami akan membayar ganti rugi kepada Pemegang Polisi atau wakil peribadi sah Pemegang Polisi di dalam Ringgit Malaysia berdasarkan kadar pertukaran harga yang disebutkan (kadar pasaran terbuka sekiranya pasaran bebas, kadar rasmi sekiranya bukan pasaran bebas) pada tarikh Orang Yang Diinsuranskan keluar dari hospital.

10. PERNYATAAN SILAP ATAU PENINGGALAN FAKTA PENTING

Polisi ini akan terbatal sekiranya berlaku salah nyata, penerangan yang salah, kesilapan, tertinggal atau tidak mendedahkan fakta oleh Pemegang Polisi / Orang Yang Diinsuranskan, yang mana Pemegang Polisi / Orang Yang Diinsuranskan tahu atau sepatutnya telah mengetahui sebagai tidak benar, menggelirukan atau berkaitan atau yang mungkin telah mempengaruhi pertimbangan penanggung insurans yang berhemat (termasuk Kami) dalam menentukan premium yang perlu dibayar dan/atau menentukan jika risiko sepatutnya diterima, dengan atau tanpa niat untuk menipu kami.

11. PEMBAHARUAN POLISI

Kami tidak bertanggungjawab untuk memberi notis pembaharuan kepada Pemegang Polisi. Premium untuk pembaharuan Polisi ini hendaklah dianggap perlu dibayar pada tarikh Polisi ini tamat. Pembaharuan hanya akan menjadi sah apabila Kami menerima bayaran premium daripada Pemegang Polisi atau ejen yang diberikuasa. Polisi ini tidak boleh diperbaharui apabila Orang Yang Diinsuranskan mencapai umur sembilan belas (19) tahun.

12. PENAMATAN INSURANS

Polisi ini hendaklah ditamatkan apabila mana-mana yang berikut berlaku dahulu:

- a) **Oleh Kami**
Kami boleh memberi notis penamatan melalui surat berdaftar kepada alamat terakhir Anda yang diketahui. Penamatan sedemikian akan berkuatkuasa tujuh hari selepas tarikh notis tersebut. Jika premium telah dibayar untuk mana-mana tempoh yang melebihi tarikh penamatan Polisi ini, premium pro-rata akan dipulangkan kepada Anda dengan syarat bahawa tiada tuntutan dibuat dalam Tempoh Insurans.
- b) **Oleh Anda**
Sekiranya Kami menerima notis penamatan daripada Anda, maka penamatan sedemikian hendaklah berkuatkuasa pada tarikh notis itu diterima atau pada tarikh yang ternyata dalam notis, yang mana terkemudian. Kami akan menyimpan premium mengikut jadual jangka pendek bagi tempoh Polisi telah berkuatkuasa dan Kami akan membayar balik kepada Anda bahagian yang belum tamat daripada tempoh Polisi dengan syarat tiada tuntutan pernah dibuat dalam tempoh insuran.

Jadual Jangka Pendek

<u>Tempoh tidak Melebihi</u>	<u>Bayaran Balik Premium Tahunan</u>
15 hari	90% (terpakai untuk pembaharuan sahaja)
1 bulan	80%
2 bulan	70%
3 bulan	60%
4 bulan	50%
5 bulan	40%
6 bulan	30%
7 bulan	25%
8 bulan	20%
9 bulan	15%
10 bulan	10%
11 bulan	5%
Tempoh melebihi 11 bulan	Tiada bayaran balik

- c) **Penamatan Automatik**
Polisi ini akan luput/tamat tepat jam 12.00 tengah malam (waktu piawai Malaysia) pada hari terakhir Tempoh Insurans.

13. KLAUSA HAD SEKATAN DAN PENGECAUALIAN

Kami tidak akan bertanggungjawab untuk membayar apa-apa manfaat di bawah Polisi ini jika perlindungan, pembayaran tuntutan tersebut atau manfaat tersebut mungkin mendedahkan Kami kepada sebarang sekatan, larangan atau sekatan di bawah resolusi Pertubuhan Bangsa-Bangsa Bersatu atau sekatan perdagangan atau ekonomi, undang-undang atau peraturan Kesatuan Eropah, United Kingdom atau Amerika Syarikat atau Malaysia.

14. FASAL TUNAI SEBELUM PERLINDUNGAN

Anda mestilah membayar premium sebelum perlindungan bermula.

NOTIS PENTING

1. **Pihak Diinsuranskan** hendaklah membaca **Polisi** ini dengan teliti, dan jika terdapat kesilapan atau keterangan yang salah, atau jika perlindungan tidak memenuhi kehendak **Pihak Diinsuranskan**, nasihat harus segera diberikan kepada **Kami** dan **Polisi** dikembalikan untuk perubahan.
2. **Pihak Diinsuranskan** yang tidak berpuas hati dengan tindakan atau keputusan **Kami** boleh mendapatkan bantuan melalui Unit Pengendalian Aduan **Kami** dan sebagai alternatif boleh juga mendapatkan pembelaan atau bantuan daripada Perkhidmatan Ombudsman Pasaran Kewangan atau melayari BNMLINK, Bank Negara Malaysia yang beralamat seperti di bawah:
 - a) **Unit Pengendalian Aduan**
Liberty General Insurance Berhad
Eksekutif Perkhidmatan Pelanggan, Pusat Khidmat Pelanggan
Liberty Insurance Tower,
CT9, Pavilion Damansara Heights, 3, Jalan Damanlela
Pusat Bandar Damansara, 50490 Kuala Lumpur.
No. Tel. : 03-2268 3333 or 1 800 88 6333
Emel : customer@amassurance.com.my
Laman Web : www.amassurance.com.my
 - b) **BNMLINK**
Bank Negara Malaysia
4th Floor, Podium Bangunan AICB, No. 10, Jalan Dato' Onn,
50480 Kuala Lumpur.
e-Link : bnm.gov.my/BNMLINK
Laman Web : www.bnm.gov.my
 - c) **Perkhidmatan Ombudsman Pasaran Kewangan (FMOS)**
(Dahulunya dikenali sebagai Ombudsman Perkhidmatan Kewangan)
No. Syarikat: 200401025885
Talian Am : +603-2272 2811
Alamat : Level 14, Main Block, Menara Takaful Malaysia,
No. 4, Jalan Sultan Sulaiman, 50000 Kuala Lumpur.
Laman Web : www.fmos.org.my
3. Liberty General Insurance Berhad adalah ahli PIDM. Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).